



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bibliotheca Scriptorvm Sacri Ordinis Cisterciensis Elogiis Plvrimorvm Maxime Illvstrivm Adornata

Visch, Charles de

Coloniæ Agrippinæ, 1656

Epistola Reverende admodum Ioannis Bovgeret, Secretarij Reverendissimi
Domini Cisterciensis, Generalis.

urn:nbn:de:hbz:466:1-38433

EPISTOLA

Reverende admodum IOANNIS BOVGERET, Secretarij Reverendissimi Domini Cisterciensis, Generalis.

INSCRIPTIO.

Reverendo in Christo Patri, Domino CAROLO DE VISCH, celebri monasterij de Dunis, Cisterciensis ordinis Religioso & Priori, Sanctimonialium Vallis Cali Confessario.

REVERENDE in Christo Pater ac Domine, Domine mihi colendissime, Gratissima quidem fuerunt Reverendissimo Domino nostro Abbati Cisterciensi, Generali ordinis, vestrae litterae, quas Reverenda Paternitas vestra ad ipsum dedit pro describenda serie Abbatum, & monachorum Archi-conobij Cisterciensis, qui libros aliquos aut tractatus ediderunt, ut ipsos in suo opere quod meditatur caeteris ordinis nostri scriptoribus annumeret; sed huc usque, ob ingentem negotiorum molem, absentiam ab Archi-conobio, & continuas monasteriorum procul distitorum visitationes, vestrae iustae supplicationi ipse, nec ego, potuimus satisfacere. Dederat quidem hoc opus in mandatis Reverendo Patri Priori Cisterciensi, Doctori Theologo, huiusce rei peritissimo; sed aliis in negotijs occupatissimus, istud quod ipsi apprimè commendaueram, omisit, quod non mediocri me affectit merore, ne tam insignium auctorum memoria in vestro egregio opere reticeatur. Sed ne quid hâc in parte meâ culpâ committatur, cum primum paucis diebus ad Cistercium rediero, dabo operam, ut praeeritorum, Stephani, Bernardi, Fastredi, Alani, Ioannis, Dionisij, aliorum Cisterciensium Scriptorum opera, tractatus, & nomina, scripto Vestrae reverendae Paternitati insinuentur. Interim laudo ego lucubrationes vestras pro nostri ordinis ornamento, Deumque apprêcor, ut ipsis Benedictionem, vobisque sanitatem quamprosperrimam, cum gratiarum suarum diuinarum cumulo conferre dignetur. Parisijs in collegio Sancti Bernardi, die 16. Decembris 1648.

Reverendae Paternitatis vestrae

Humilimus, & obsequentissimus famulus F. IOANNES
BOVGERET Religiosus Cistercij, & Secretarius
Reverendissimi Generalis.

REVE-